

20250101
138

瑞州府志

瑞州府志

重脩瑞州府志序



盛世無廢而不舉之事羣情有誤
而復合之機此運會之道然亦有心世
道者所不能自己也今

劉大中丞續脩省志檄各郡亦續脩
郡志宣上德達下情潤色隆平維

瑞州府志

卷之首序

持風教誠盛典也願他郡近或數十年
遠亦不過百餘年為時未久耳目既可
徧及而相沿相襲彼此復坦然無疑踵
舊增新事半功倍大率類然獨瑞
則異是余莅瑞下車見其風俗之茂
美人才之奮興竊喜之及詢其郡志入

國朝無編輯者以疑之已而察其所以遷延之故則以浮程一事始則同害相戒繼則同利相爭而當事者亦謂人情難調事勢難集相典因循而莫之問蓋其所難者又不僅世遠事湮已也雖然此往事也越今又二百年矣憶自蕩平粵逆以來郡中

瑞州府志

卷之首

序

二

百廢具興如

文廟

郡治考棚書院凡夫風化所闡政教所繫郡人士莫不同心協力以復前規十年之間寢乎稱完善焉是則人情之大可見者况志乘所闡尤鉅哉爰集郡人士而商之且告以時不可失僉曰此吾郡遺

憾也怒然於心者久矣然非使君主之臣
其任者亦迺勉從衆請先於署內摺
摺成帙隨開局延法邑紳耆投互勘
前後期年而書成既成郡人士歸美
於余曰廢興之由機在人心以余謬陋
何足以拯解輸若此衆論金同不我遐棄

又得法君子渴忱交贊焉能廢脩墜舉以
補前人所未逮然則斯志之成衆志
也余何力哉余何力哉將付乎民故敘
其緣起如此至於山川人物編次義例
則有全志在

同治十二年歲在癸酉仲冬之吉知

瑞州府志
卷之首序



瑞州府志

卷之首序

四

瑞州府志舊序

正德六年賜進士中順大夫瑞州府知府河間任丘鄭璠序
曰正德辛未予承乏瑞州疆域遠邇土地肥磽風俗龐濶人
物臧否與夫貢賦紹建沿革災祥俱無所于知爰訪舊志僅
得一二冊於民家又至治以前事也古今不相及此足施之
政哉今之於後猶昔之於今失傳之責其何以辭時高安司
諫胡公鎮侍御熊公相節推傅公朝以讀禮在告得肆力於
觚翰乃采錄遺跡與我國朝實錄延請是正尉學訓洎生員
劉弘道朱夢昌俱同事焉兩閱月成編今而後疆之遠邇吾
知慎固之土地之肥磽吾知哀益之風俗人物貢賦紹建之
瑞州府志
卷之首
序
類吾又知激勸祇承之官有定守民有定志匪直文具而已
雖然郡志之修公是非而昭鑒戒邦人景行先德無俟於言
然振舉軌範機在官守仕於其地者不知代有幾時吏有幾
人必功庸操履乃書若曠廢不任存其名焉耳是志不可以
不修而仕者亦不可以不自修嗚呼及時而功不立沒世而
名不稱君子耻之况天下後世公論難掩可不畏哉可不知
所勉哉諸公曰郡志修於執事固將以倡於先也其自處當
如此

瑞州府舊志序

正德十年乙亥三月吉賜進士文林郎河南道監察御史在
告高安熊相序曰古者列國皆有史官以紀言書事今郡古
國也而史廢矣匪志時賴其可書而記者將何以詔天下後
世瑞爲江右大郡歷代有志至我朝乃缺焉百五十年事漫
無可考豈爲政者不知所重邪匪人弗任匪時勿成固亦艱
矣我英宗睿皇帝嘗命儒臣纂大明一統志彼爲天下作故
畧焉而不詳苟有疑于一州一郡者能使無遺憾也哉正德
辛未任丘鄺公璠來守瑞值華林倡亂越明年始平又明年
公謂通守段公泰張公易宗節推汪公濬曰志茲其時不可

瑞州府志

卷之首

序

二

失也今弟子員疇可草創者僉曰劉弘道朱夢昌邑博士疇
討論曰吳尉君潛鄉大夫疇闕色曰胡君鎮傅君朝又誰可
者曰熊君相雖在告病匪心目可以佐之公喜曰事濟矣乃
吉以文乃集以事乃視諸先志楊升雲序曰參之舊志撫以
新聞爲圖於首則職方氏之遺意列志於後則班孟堅之家
法斯言旨哉吾師之又觀之一統志貫古今於是乎有建置
沿革表方鎮於是乎有山川形勝敦世尙於是乎有風俗本
教化於是乎有學校書院宮室以居關以譏梁以渡祠廟以
祀丘墓古蹟以藏以識名宦人物以樹風聲啟景行下至寺
觀仙釋亦不遺焉衷哉國制吾從之其他若天文地理財賦

儲郵秩官選舉恩例災祥遺事考異詞翰之類或因舊爲新
或推畧爲詳皆有裨於一郡初非旁涉以誇多也嗚呼自至
治以迄正德而瑞志之修僅此一見何其希濶寥絕甚也或
者亦有數歟主張者與修輯者之功爲益大已高安尹應君
恩與有力焉併書之以告續志者

重修瑞州府志舊序

聞之語曰史之難無出於志豈不謂史可嚴刪述以尊其體而志則輿議必稽纖瑣必載也夫狗議則近濫志瑣則近俚脫信意抒辭則又似文非志所稱難也不其然乎天下郡邑初各有志而後來之修輯者類相與諉而不任豈盡傳舍其官總總未及亦正慮前數者之難恐高識之士議其後耳卽如筠志國朝建礎二百六十餘年內惟正德時前守任丘鄺公璠一修纂之前此後此皆寥寥也如謂鄺公獨暇及此則時方有巨寇之警守禦未完瘡痍未起而公偏有意乎文獻之徵微鄺公則後之官筠者雖欲以政學得乎頃以予之寡瑞州府志

卷之首

序

四

昧承乏是邦甫至卽暇諸故實及郡事因革之宜貿貿莫得其要椽史以舊志進則刻久漶漫半不可讀徐繹而讀之稍得梗概乃距鄺公又伯有十五年矣予因重識公功而益嘆載乘之難會代狩石倉曹公按部歷筠首謂筠雖瘠壤寔仕國也昔賢如蘇次公楊文節文信公皆歷官其地應史君鍾南平岳武穆皆保障其民靈傑之規必有足述者亟索郡志觀之訝謂太簡且曠歲久矣予對謂鄺志修於華林兵火之餘旣又聞江藩陰蓄異謀瑞有密邇隄防之慮倥偬中撫拾得此業爲不易公曰信哉正德之季距嘉靖初爲年幾何使鄺君得際熙隆之時肆志討論必可厭觀但今又踰百載矣

寧必借才前人耶予固謝不敏謂百年內能吏多矣率未及此具有深心走何能爲役公曰雖然不聞子厚氏之論史乎今人讓之後人後人又讓後人是終無作者也慎毋辭予雖唯唯實弗敢任又徧請質於當道當道皆嘉勉如曹公言予再商之僚友諸公又皆贊決如當道言始敢按舊志詢其同異併訪近事於筠人士因就正於鄉先生陳公胡公鄒公熊公劉公王公吳公請教言焉屬草未半欣聞今上龍飛五位文命誕敷制作更始於是別駕楊公司李徐公語予曰曩謂鄜公纂修郡乘恨不及嘉靖之隆今主上同符肅皇而公於此繼鄜公之志非文明時應有之舉乎予謝曰我輩憤憤不

瑞州府志

卷之首

序

五

及前人改造物假之遭逢以蓋其短抑惟藉手諸君微靈筠社聊備識小之一班耳於時携草入覲還筠乃卒業焉摠因舊志而顛次之卽有所點擷亦不過詳其所畧畧其所繁無敢臆爲去取一皆本鄜公之旨而例推之者也正德後事則又推義例而廣之以便覽觀舊板旣蒙因續爲合刻以復曹公所命至其合穀與否固不自知且筠地從來多博奧之英如高安劉壯輿氏稽古多聞與蘇黃相上下嘗取歐陽五代史摘其掛漏作糾謬論以示兩蘇兩蘇不能屈乃知述作之難卽廬陵不能無訛况以今之謏謏者而欲摻筆壯輿之鄉也不自咲望洋河伯哉雖然失今不志卽壯輿復起將無所

據其謬而糾之則又守土者責也用是勉次簡編以俟後之
宗匠崇禎建元秋日瑞州府知府會稽陶履中謹撰

瑞州府志

卷之首

序

六

重修瑞州府志舊序

經國之大業莫如文文之大業莫如史墳典丘索三皇五帝之史也書禮唐虞三代之史也詩周與列國之史也春秋則魯史而聖手裁之以立教者也三代以上之史卽爲經三代以下無聖人則無續經卽紫陽綱目且避春秋之嫌於是垂世立教史特重而史才亦重矣周禮邦國之志小史掌之四方之志外史掌之則志與史同道而異名其立義例昭勸戒是非稍謬卽馬遷歐陽人得彈射於是史才難而郡志邑乘家譜之才亦難可知矣噫嘻禮徵文獻予謂文在卽獻在鄉子論官仲尼曰天子失官學在四夷所學何據韓宣子聘魯

瑞州府志

卷之首

序

七

觀易象與春秋嘆曰周禮盡在魯使魯不存周禮何以知周公之德與周之所以王乎秦燔詩書千古大恨後有掇拾灰燼表章斷簡者千古以爲功之首豈非文在卽獻在而大而天下小而郡邑俱不可無肩任斯文之人哉筠之有志創於元至治間入國朝正德任丘鄺公來守筠始一重修今又百有餘年郡伯會稽陶公以文獻名家負高才乃取百年曠典而續之司理劍津徐公儒雅過人相與蒐輯考訂終其局夫鄺公開草昧厥功懋矣然事多漏而疑義亦尙存陶公徐公稍有損益義例愈密凡史家穢與畧佞與謗之弊一切盡洗下可供司土之考衷而上可備國史之撫採允爲惇史哉抑

璉讀此而竊有嘆焉筠瘠郡也可幸在此可憂亦在此何以言之夫郡瘠則土風朴真氣固民勞而思善士尙文學敦節義且無遠稽異代陶淵明劉道源幸震甫姚成一等我明英賢輩出或鐵面而死直或虎眼而善斷或拒婚分宜不以一揖易宰相或清逼古人諺有絕糧之侍郎或萬死翊駕於北狩或廷杖批鱗於南巡甚至布衣而全宜豐歸真主邑椽而尹溧陽稱名臣何烈烈也近時名公宦蹟士女節義尤爲簡不勝書夫非瘠土之民多才乎可幸也然有大可憂者在郡境廣輪幾何厥田下下國初里猾黎伯安以僞漢橫征之籍虛報邀賞遂令三邑賦額幾倍於宋元蓋至今而皮毛將盡

瑞州府志

卷之首

序

八

矣夫民不安則易動先朝華林劇盜破城燔署殺人如麻前車可鑒然則今陶公徐公之爲此志也其有無疆惟恤之意乎璉才鄙陋何堪授簡敢書此以爲未雨撤桑之一助

賜進士第奉政大夫吏部考功清吏司郎中郡人鄒維璉撰

瑞州府志目錄

卷之首

序 舊序 凡例 圖形

卷之一

地理志一 星野 疆域 沿革 山川 津梁附水利

卷之二

地理志二 古蹟 風俗 物產

卷之三

建置志 城池 署 廨 壇 廟 寺 觀 附 坊 第 附 養 濟 院
育嬰堂 漏澤園

卷之四

瑞州府志

目錄

食貨志 戶役 田賦 起運 倉儲 附雜稅 附驛
站 蠲免

卷之五

學校志 學宮 學制 學額 附學 田書院 附社學

卷之六

武備志 兵制 保甲 附驛遞鋪遞 兵事

卷之七

秩官志一 文職 武職

卷之八

秩官志二 名宦

卷之九

選舉志一 薦辟 進士 武進士

卷之十

選舉志二 舉人 武舉

卷之十一

選舉志三 援例 吏員 武職

卷之十二

選舉志四 五頁

卷之十三

人物志一 名臣 宦績

卷之十四

瑞州府志

目錄

人物志二 儒林 文苑

卷之十五

人物志三 忠義 孝友 懿行 隱逸 方伎

卷之十六

人物志四 列女

卷之十七

人物志五 列女

卷之十八

藝文志一 疏記

卷之十九

藝文志二 記序

卷之二十

藝文志三 傳書銘表文賦

卷之二十一

藝文志四 五古

卷之二十二

藝文志五 詩

卷之二十三

藝文志六 書目

卷之二十四

瑞州府志 目錄

雜類志 仙釋 軼事